

Plan di kordinashon suprainsular kombatementu di desaster i maneho di krísis Boneiru, Sint Eustatius i Saba

Prólogo

Na 2013 a redaktá un promé vershon di e plan di kordinashon suprainsular. E Representante di Reino tin e obligashon pa fiha e plan di kordinashon suprainsular minimalmente kada kuater aña di nobo. Pa e motibu ei a aktualisá i fiha e plan di nobo na komienso di 2017. E Inspekshon di Hustisia i Siguridat a evaluá e sistema di kombatementu di desaster na Boneiru, Sint Eustatius i Saba pa motibu di e pasashi di e orkannan Irma, Jose i Maria den 2017. E Inspekshon a konstatá ku e koperashon i sinkronisashon, partikularmente entre e islanan di un banda i entre e organisashonnan na Hulanda Oropeo i Representante di Reino di otro banda, enfátikamente tin mester di mehorashon. E Inspekshon a konstatá ku e pasahe tokante ròlnan, tareanan i kompetensianan manera eseinan aktualmente ta inkorporá den e Veiligheidswet BES (VwBES, Lei di Siguridat BES) entre otro den e plan di kordinashon di e Representante di Reino tabata insufisientemente kla definí. Esaki tabata e motibu pa aktualisá e plan di kordinashon suprainsular di kombatementu di desaster i maneho di krísis Boneiru, Sint Eustatius i Saba di 2017 prematuramente.

E aktualisashon di e plan di kordinashon ta duna kontenido na e inklaridatnan konstatá dor di e Inspekshon tokante ròlnan, tareanan i kompetensianan di e islanan, e Representante di Reino i e relashon ku Hulanda Oropeo. A aktualisá e plan for di e obligashonnan legal manera nan ta deskribí den e VwBES.

Meta i delimitashon

E meta di e plan di kordinashon ta pa duna transparensia den kon ta trata ku desasternan suprainsular i krísisnan den Hulanda Karibense. Ku esei e plan di kordinashon aki ta duna transparensia den e proseso:

- kua aktornan ta (por ta) direktamente embolbí serka un desaster òf krísis suprainsular i kiko nan tareanan, ròlnan, responsabilidatnan i kompetensianan ta;
- kua mekanismonan di eskalashon ta utilisá den esaki;
- kon e proseso di notifikashon, batimentu di alarma i di eskalashon i de-eskalashon pa staf di desaster di e Representante di Reino ta transkurí;
- kon e proseso di maneho di informashon entre e Entidatnan Públiko, e Representante di Reino i Hulanda Oropeo ta transkurí;
- kon e sinkronisashon tokante e komunikashon entre e aktornan direkto ta organisá;
- kon e kordinashon di e proseso di asistensia ta marcha.

Den e plan aki e kordinashon ta spesífikamente dirigí riba:

- e sinkronisashon di imágennan di informashon entre e Entidatnan Públiko mutuo i ku Hulanda oroepo, ku informashon tokante entre otro:
 - e kantidat di víktima;
 - e daño balotá;
 - efektonan posibel i bottlenecknan di e insidente;
 - (posibel) petishon pa asistensia di e islanan toká (entre otro asistensia sosial);
 - Akshonnan ku mester tuma òf ku ta kanando.
 - e kompilashon i transmishon di tur petishon di asistensia di e Entidatnan Públiko;
 - e sinkronisashon di desishonnan polítiko/atministrativo.

Grupo di enfoke

E plan aki ta pa aktornan direkto ku ta embolbí den e kombatementu di desaster i maneho di krísis den Hulanda Karibense. Esaki ta trata entre otro e Entidatnan Públiko, e Representante di Reino (inkluso e staf di desaster), e Komando di e forsa naval den Hulanda Karibense (CZMCARIB) i na Hulanda Oropeo e Nationaal Crisis Centrum (NCC, Sentro di Krísis Nashonal), Landelijk Operationeel Coördinatie Centrum (LOCC, Sentro Nashonal di Kordinashon Operashonal) i Ministerionan i Sentronan Departamental di Kordinashon di Krísis (DCC's) konserní.